

[*en marge*] Ecclesia parochialis sanctissimae Annunciatae de loco Corbariae

Die 22 iunii.

Praefatus dominus Ferrarius visitator qui supra (etc.).

Venit ad ecclesiam sub titulo sanctissimae virginis Annunciatae in loco Corbariae, et ibi

Visitavit et adoravit sanctissimum Eucharistiae sacramentum, quod in pixide ex aere inaurato reposuit intra tabernaculum ex ligno aurato; deinde vidit aliam pixidem minorem habentem cuppam argenteam, cui mandavit refici crucem in summitate et provideri de suo conopaeolo. Pariter vidit ostensorium totum argenteum cum sua lunula inaurata, sub qua mandavit fieri duas laminas inauratas ad magnitudinem cornuum dictae lunulae et provideri de suo crystallo a parte anteriori. [270r] Vidit etiam umbellam quae inservit pro deferendo sanctissimo viatico ad infirmos et mandavit a parte superiori reponi pellem et crucem in summitate.

Ecclesia habet duos calices cum suis patenis totis argenteis et alios quatuor habentes tantummodo cuppam argenteam et quatuor patenas, ex quibus una est ex aere inaurato.

Visitavit deinde fontem baptismalem, qui habet concam lapideam ad formam et suum ciborium cum columnis ex ligno et structura ex pulchrioribus in Corsica visis, cum figuris et imaginibus sanctorum ac suis cancellis ligneis.

Corpus ecclesiae est formae amplae ac structurae pulchrae cum fornicibus et ex lateribus, habet quatuor capellas, ex quibus

Visitavit primam, in qua est altare cum columnis et figuris ac ornamentis ex gypso sub invocatione beatissimae Virginis de Monte Carmelo, cui iam iam aggregabitur societas, cuius erigendae licentiam et facultatem admodum reverendus dominus archipresbyter obtinuit a reverendissimo patre generali Carmelitarum [270v] et reverendissimo vicario generali Aleriensi, et laudavit quanto citius id fieri.

Visitavit postea capellam in qua est altare sub invocatione sancti Iacobi apostoli, et omnia sunt ad formam.

Item visitavit capellam et altare cum columnis (etc.) sub invocatione beatissimae Virginis de Suffragio, et omnia ad formam. Ad curam huius capellae specialiter eliguntur duo de populo qui colligunt eleemosynas ex quibus manutentur altare, et singulis mensibus celebrantur missae pro defunctis et procuratores veteres reddunt rationem coram tribus sindicis a novo rectore electis.

Item visitavit capellam sub invocatione beatissimae Virginis Annunciatae, cuius altare cum columnis (etc.) est formae decentis.

Adsunt aliae tres capellae, in quibus solum est erecta mensa altaris, sed sine sacro [271r] lapide, et sunt noviter altaria extruenda.

Omnes tamen capellae mediantibus procuratoribus deputatis manentur a populo, et omnes sunt de communitate.

Ante altare maius est lampas ex aurichalco satis venusta, in qua ardent decem lumina.

Urceus olei lampadis in fenestella aperta in pariete a cornu epistolae et conspurcans parietem removeatur omnino et alibi conservetur.

Suppellectilis sacristiae decenter est abunde provisa.

Mandavit a cornu epistolae aptari fenestellam intus panno violaceo ornatam, in qua conservetur oleum sanctum infirmorum, et dicta fenestella muniri clave. Nunc omnia olea sancta conservantur in ciborio fontis baptismalis cum suis vasibus argenteis.

Sedes confessionales sunt ad formam.

Verbum Dei praedicatur in quadragesima et communitas dat salarium pro victu praedicatoris.

[271v] Pulpitum est ligneum, sed formae elegantis.

Fons aquae lustralis existens in medio corporis ecclesiae removeatur et transferatur ad latus in vicinitate parietis.

[*en marge*] Oratorium sancti Antonii abbatis

Visitavit oratorium sub invocatione sancti Antonii abbatis, quod cum quatuor columnis extractum est ad formam elegantem, et in dicto oratorio est erecta societas sub titulo sancta Crucis. Confratres vestiunt cappam albam; habent capitula ab ordinario approbata. Dicta societas nullos habet redditus certos, sed solas oblationes et eleemosynas confratrum et devotorum; et massarii reddunt rationes coram sindicis et prioribus.

[*en marge*] Oratorium sancti Rocchi

Visitavit aliud oratorium sub titulo sancti Rocchi confessoris. Altare est ad formam; et ad

curam dicti oratorii deputatur de populo aliquis protector modo quo supra (etc.). In praedictis oratoriis celebratur aliquando ex devotione fidelium et tunc paramenta et requisita ad celebrationem missae deferuntur ex parochiali.

[272r] Ecclesia parochialis Corbariae habet titulum archipresbyteratus sanctae Mariae de Lazzo, et admodum reverendus dominus archipresbyter in praesenti est dominus Paulus Aiutellus de dicto loco Corbariae, aetatis annorum 60 circiter, qui suarum bullarum asseruit esse copiam authenticam in cancellaria episcopali Aleriensi, et habet redditum, computatis certis et incertis, scutorum trecentorum de Genua circiter de sua portione. In hac ecclesia sanctae Mariae erant duo canonicatus, qui in dictae ecclesiae vicinitate habebant domos canonicales, sicut etiam habebat archipresbyter, sed postquam locus Algaiolae, qui prius erat sub parochia sanctae Mariae, redactus est in parochiam absolutam, unus ex dictis canonicatibus institutum fuit in parochum Algaiolae, et sic deinde semper perseveratum est. Alter vero adhuc est in viridi et de praesenti est dominus Gregorius Passanus; et de redditu utriusque canonicatus recipiunt quartam partem de massa archipresbyteratus.

[272v] Libri baptizatorum, matrimoniorum et defunctorum sunt ad formam.

Animae hius parochiae sunt 1050 circiter et quae communicantur 700, et praecepto paschali paruerunt.

Doctrina christiana docetur.

Intra parochiam Corbariae est conventus sancti Francisci fratrum Minorum de Observantia, in quo sunt octo sacerdotes, duodecim novitii et quatuor laici.

Item in confinibus Corbariae et parochiae sanctae Reparatae est conventus fratrum Capuccinorum, quorum sex sunt sacerdotes, tres clerici et tres laici.

[*en marge*] Ecclesia sanctae Mariae de Lazzo

Deinde visitavit ecclesiam sanctae Mariae de Lazzo, quae est antiqua parochia Corbariae; ibi est imago beatissimae Virginis et pueri Iesu sculpta in marmore, quae est multae devotionis apud populum. Altare est formae decentis et ibi celebratur saepe iuxta devotionem fidelium, sed quia ecclesia est per dimidium stadii remota a loco Corbariae non conservantur in ea paramenta necessaria pro missis, sed deferuntur ex ecclesia Corbariae; [273r] in capite beatissimae Virginis est corona argentea, et ante altare est lampas ex aurichalco, sed pro diebus solemnioribus ponitur alia lampas argentea, quam pro tutiori custodia tenent apud se procuratores, qui eliguntur de populo

et rationes reddunt coram successoribus cum assistentia parochi.

Et quia in hac ecclesia adest sepultura defunctorum praefati loci, ideo hic fecit
absolutionem mortuorum et mandavit refici suam fenestram vitream.